



EAE-KO EKONOMIAREN HAZKUNDEA


EAEko BPGak hazkunde erritmo egonkorrari eusten dio

BPGA

Urte arteko aldakuntza tasa

2025EKO HAZKUNDEA

%2,1




Testuinguruaren hipotesiak eguneratuta eta argitaratutako azken koiuntura datuak baloratu ondoren, Eusko Jaurlaritzako Ekonomia Zuzendaritzak aurreikusitako agertoki berria ia ez da aldatzen martxoan aurkeztutakoarekin alderatuta. Zehatz-mehatz adierazita, 2025erako espero zen %2,1eko hazkundeari eutsi zaio, eta 2026koa pixka bat beherantz doitu da, %1,7raino. Barne eskariaren bultzada, aurten %2,3 haziko dena, funtsezkoa izango da EAEko ekonomia %2,0tik gora hazteko.

Zehatzago, 2025ean kontsumo pribatua %2,4 handituko da, enpleguaren sorrerak, inflazioaren apaltzeak eta soldaten eta pentsioen erosteko ahalmenaren hobekuntzak lagunduta. Kontsumo publikoa %2,0 handituko da eta inbertsioa, berriaz, %2,4. Hazkunde horiek konpentsatuko dute kanpo eskariaren eragin negatiboa, 2025ean hazkundeari hiru hamarren kenduko baitzaizkio, eta 2026an bi, esportazioek trakzio txikiagoa izango dutelako, eurogunea ziurgabetasun eta dezelerazio testuinguru batean dagoelako.


GASTUA AZKEN KONTSUMOAN

Urte arteko aldakuntza tasa




KAPITAL ERAKETA GORDINA

Urte arteko aldakuntza tasa




INDUSTRIAREN BALIO ERANTSIA

Urte arteko aldakuntza tasa




ERAIKUNTZAREN BALIO ERANTSIA

Urte arteko aldakuntza tasa



ZERBITZUEN BALIO ERANTSIA

Urte arteko aldakuntza tasa




Sektoreka, zerbitzuak izango dira hazkundearen buru 2025ean, %2,5eko hazkundearekin, baina 2026an %1,8ra apalduko dira. Industriak %0,9ko igoera izango du aurten, eta kanpo sektorearen ahuleziak eragina izango du, nahiz eta urte amai-eran suspertzea eta 2026tik aurrera hazkundea egonkortzea aurreikusten den. Eraikuntzari dagokionez, 2025ean %2,1 eta 2026an %1,8 haztea espero da, finantzaketa baldintza hobeei eta etxebizitza eskaera handiak bultzatuta.

2025ean lanaldi osoko 14.000 enplegu inguru sortuko dira eta 2026an, hazkunde apalagoarekin (%1,1), 11.000 lanpostu berri sortuko dira. Azkenik, langabezia tasa %7,0tik behera jaitsiko da hurrengo hiru hilabeteetan, eta 2026an %6,6ra beheratuko da.


ENPLEGUA

Urte arteko aldakuntza tasa



LANGABEZIA TASA

Ehuneko



Iturria: Ekonomia Zuzendaritza. Eusko Jaurlaritza.